

禮

記

箋

禮記

雜記上第二十

諸侯行而死於館則其復如於其國如於道則升其乘

車之左設以其綏復

館主國所致舍復招魂復魄也如於其國主國館賓子使有之得升

屋招用袞衣也如於道道上廬宿也升車左轂象升旗東榮綏當為綏讀如韃賓之韃字之誤也綏謂旌旗之

旄也去其旒而用之異於生也○愚按綏讀如字升車之綏少儀所謂良綏也

其輅有袞緇布袞帷素錦以為屋而行

輅載柩將殯之車飾也輅取名

於視與荷讀如構飾之荷視棺也荷染赤色者也將葬載柩之車飾曰柳袞謂鼈甲邊緣緇布袞帷圍棺者也

袞帷川緇則輅用赤矣輅象宮室屋其中小帳視覆棺者若未大斂其載尸而歸車飾皆如之○朱軾曰帷上

接於輜如袞續衣故曰袞帷喪大記素錦褚加帷荒荒
即精褚卽屋也○愚按下文云疏布輜鄭注輜其蓋也

至於廟門不毀牆遂入適所殯唯輜爲說於廟門外所

殯宮牆袞帷也適所殯謂兩楹之間去輜乃入廟門以

其入自有宮室也毀或爲徹凡柩自外來者正棺於兩

楹之閒尸亦俛之於此皆因殯焉異者柩入自闕升自

西階尸入自門升自阼階其殯必於兩楹之間者以其

死不於室而自外來畱之於中不忍遠也○愚按曾子

問入自闕卽毀牆也此云不毀牆未詳或者不字爲外

字之誤也至於袞帷不名牆也卽名牆者本爲輜而設

旣已說輜又安用牆且入卽正棺兩楹之間牆益無用

矣以是知牆非袞帷也○方氏苞曰於大夫言載以輜

車及階說車此諸侯不言者蓋在路卽用輜車而用以

殯明矣疏在路白天子至士皆用蜃車乃以意測遂師

及旣夕禮而誤觀顏柳以廢輜設撥爲竊禮則諸侯在

路用輜

禮也

上海三友社

士輶葦席以爲屋蒲席以爲衾帷

言以葦席爲屋則無素錦爲帳○方氏苞

曰舉屋與衾帷之用席明輶及襚皆用布與大夫同也○愚按大夫獨不言屋明亦素錦矣

凡訃於其君曰君之臣某死

訃或皆作赴赴至也臣死其子使人至君所告之

父母妻長子曰君之臣某之某死

此臣於其家喪所主者君訃於

他國之君曰寡君不祿敢告於執事夫人曰寡小君不

祿大子之喪曰寡君之適子某死

君夫人不稱薨告他國君謙也

大夫訃於同國適者曰某不祿訃於士亦曰某不祿訃

於他國之君曰君之外臣寡大夫某死訃於適者曰吾

子之外私寡大夫某不祿使某實訃於士亦曰吾子之

外私穿大夫某不祿使某實

適讀為匹敵之敵謂爵同者也實當為至此讀周秦

之人替之誤也○愚按實讀如字實謂以實告也

士訃於同國大夫曰某死訃於士亦曰某死訃於他國之君曰君之外臣某死訃於大夫曰吾子之外私某死訃於士亦曰吾子之外私某死

大夫次於公館以終喪士練而歸士次於公館

公館公宮之舍

也練而歸之士謂邑宰也練而猶處公館朝廷之士也唯大夫三年無歸也

大夫居廬士居

聖室

謂未練時也士居聖室亦謂邑宰也朝廷之士亦居廬○愚按大夫士竝斬衰斬衰未練皆居廬

大夫為其父母兄弟之未為大夫者之喪服如士服士

爲其父母兄弟之爲大夫者之喪服如士服大夫雖尊

服父母兄弟嫌若踰之也士謂大夫庶子爲士者也已卑又不敢服尊者之服今大夫喪服禮逸與士異者未得而備問也春秋傳曰齊晏桓子卒晏嬰麗衰斬直經帶杖苦履食粥居倚廬寢苫枕草其老曰非大夫之禮也曰唯卿爲大夫此半仲之謙也言己非大夫故爲父服士服耳麗衰斬者其縗在齊斬之間謂縗如三升半而三升不緝也斬衰以三升爲正微細焉則屬於麗也然則士與大夫爲父服異者有麗衰斬枕草矣其爲母五升縗而四升爲兄弟六升縗而五升乎唯大夫以上乃能備儀盡飾士以下則以臣服君之斬衰爲其父以臣從君而服之齊衰爲其母與兄弟亦以勉人爲高行也一大功以下大夫士服同○齊召南曰三年之喪無貴賤一也王肅及張融說正合曾子自天子達孟子三代共之義齊疏之服豈有大夫士之異哉晏平仲身行古禮而不直言當時之非謙也不可以春秋變制爲先王之正禮也鄭注非是○方氏苞曰此數條自宋以後

儒者皆知其悖而未有悟為葬歆所增竄者蓋葬以居攝為其母功顯君服天子弔諸侯之服不主其喪故歆竄此記以示士大夫相去一間耳而子為大夫於父母之為士者服即有降子為大夫其父母之為士者即不敢主其喪況居攝踐阼與尊者為體尚可重服為母喪主乎

大夫之適子服大夫之服仕至大夫賢著而德成適子得服其服亦尊其適象賢

大夫之庶子為大夫則為其父母服大夫服其位與未

為大夫者齒雖庶子得服其服尚德也使齒於士不可不宗適

士之子為大夫則其父母弗能主也使其子主之無子

則為之置後大夫之子得用大夫之禮而士不得也置猶立也

大夫卜宅與葬日有司麻衣布衰布帶因喪履緇布冠

不黠占者皮弁

有司卜人也麻衣白布深衣而著衰焉及布帶緇布冠此服非純吉亦非純凶

也皮弁則純吉之尤者也占者尊於有司卜求吉其服彌吉大夫士朔服皮弁○皇氏云以三升半布為衰其長六寸廣四寸綴於衣前當胸上

如筮則史練冠長衣以筮占者朝服

筮者筮宅也謂下大夫若士也筮史

筮人也長衣深衣之純以素也長衣練冠純凶服也朝服純吉服也大夫士日朝服以朝也○疏云如筮者謂下大夫及士不合用卜

大夫之喪既薦馬薦馬者哭踊出乃包奠而讀書

嫌與士異

記之也既夕禮曰包牲取下體又曰主人之史請讀贈○方氏苞曰哭踊二字當在既薦馬下○朱軾曰薦馬者三字

疑衍

大夫之喪大宗人相小宗人命龜卜人作龜卜人作龜也相相主
人禮也命龜告以所問事也作龜謂揚火灼之以出兆
○劉氏曰大宗人或是都宗人小宗人或是家宗人掌
禮者都家之

內子以鞠衣褻衣素沙下大夫以襢衣其餘如士此復

衣也當在夫人狄稅素沙下爛脫失處在此上耳內子
鄉之適妻也春秋傳曰晉趙姬請逆叔隗於狄趙衰以
爲內子而已下之是也下大夫謂下大夫之妻襢衣周禮
作展王后之服六唯上公夫人亦下大夫之妻侯伯夫人自
揄狄而下子男夫人自闕狄而下鄉妻自鞠衣而下大
夫妻自展衣而下士妻稅衣而已素沙若今紗縠之帛
也六服皆袍制不禪以素紗裏之如今鞋袍襪重縐矣
褻衣者始爲命婦見加賜之衣也其餘如士之妻則亦
用稅

復諸侯以褻衣冕服爵弁服

復招魂復魄也冕服者上公五侯伯四子男三褻衣

亦始命為諸侯及朝覲見加賜之衣也褻猶進也

夫人稅衣揄狄狄稅素沙

言其招魂用稅衣上至揄狄也狄稅素沙言皆以白紗縠

裏為

復西上

北而而西上陽長左也復者多少各如其命之數

大夫不揄絞屬於池下

謂池飾也揄揄翟也采青黃之間曰絞屬猶繫也人君之柳其

池繫絞緇於下而畫翟雉焉名曰振容又有銅魚在其間大夫去振容上去魚此無人君及士亦蠲脫

大夫附於士士不附於大夫附於大夫之昆弟無昆弟

則從其昭穆雖王父母在亦然

附讀皆為附大夫附於士不敢以己尊自殊於

其祖也士不祔於大夫自卑別於尊者也大夫之昆弟
謂為士者也從其昭穆中一以上祖又祖而已祔者祔
於先死者○愚按方氏苞
辨大旨與喪服小記同

婦附於其夫之所附之妃無妃則亦從其昭穆之妃妾

附於妾祖姑無妾祖姑則亦從其昭穆之妾夫所附之妃於婦則

祖姑

男子附於王父則配女子附於王母則不配配謂并祭

則不祭王父也有事於尊者可以及卑有事於卑者不

敢援尊配與不配祭饌如一祝辭異不言以某妃配某

氏耳女子謂未嫁者也嫁未三月而死猶歸葬於女氏

之黨○愚按女子即婦人因對男子而言耳舊說似泥

公子附於公子一人為宗主者其餘羣公子死其子自

禮記上

當別立廟而祭之以爲小宗不應祔於祖之兄弟

君薨大子號稱子待猶君也

謂未踰年也雖稱子與諸侯朝會如君矣春秋魯僖

公九年夏葵丘之會宋襄公稱子而與諸侯序待或爲侍○愚按待猶君謂國中臣民耳在喪而會諸侯衰世事耳不足爲典禮

有三年之練冠則以大功之麻易之唯杖履不易

謂既

遭大功之喪者也練除首經要經葛又不如大功之麻重也言練冠易麻互言之也唯杖履不易言其餘皆易也履不易者練與大功俱用繩耳○疏云此大功謂降服大功也○方氏苞曰練後首經既除服大功麻經要亦服大功麻帶間傳所謂重麻也

有父母之喪尙功衰而附兄弟之殤則練冠附於殤稱

陽童某甫不名神也

此兄弟之殤謂大功親以下之殤

之衰此謂之功衰以是時而耐大功親以下之殤

親以下之殤輕不易服冠而兄為殤謂同年者也兄十

九而死己明年囚喪而冠陽童謂庶殤也宗子則曰陰

童童未成人之稱也某甫且字也尊神不名為之造字

○愚按此兄弟之殤謂小功總麻耳若

正服大功則不合練冠矣上文是也

凡異居始聞兄弟之喪唯以哭對可也

惻怛之痛不以辭言為禮也

其始麻散帶經

與居家同也凡未服麻而奔喪及主人

之未成經也疏者與主人皆成之親者終其麻帶經之

日數疏者為小功以下也親者大功以上也疏者及主

喪之後三日

而成服也

豐己

雜記上

二

二

主妾之喪則自附至於練祥皆使其子主之其殯祭不

於正室

前附自爲之者以其祭於祖廟。方氏苞曰此與

不世祭祖之妾安得著位於廟無列於廟何祔之有其

身爲主者或妾子有德位而尊者來弔不敢使其子拜

實與○愚按先儒之說亦非謂妾祔於廟也疏云妾祖

姑無廟爲壇祭之鄭云於廟者於廟中爲壇祭之耳又

云此謂攝女君之妾若不攝者則不得爲君不撫僕妾

主別爲壇不在祖廟中而子自主之也

略於賤也○愚按君通上下凡僕妾於其主稱君

女君死則妾爲女君之黨服攝女君則不爲先女君之

黨服

妾於女君之親若其親然

聞兄弟之喪大功以上見喪者之鄉而哭

奔喪節也○盧植云此大

功謂降服也適兄弟之送葬者弗及遇主人於道則遂之

於墓言骨肉之親凡主兄弟之喪雖疏亦虞之喪事虞

凡喪服未畢有弔者則爲位而哭拜踊客始來主人不

大夫之哭大夫弁經大夫與殯亦弁經弁經者大夫錫

如爵弁而素加

大夫有私喪之葛則於其兄弟之輕喪則弁經子之喪

也輕喪總麻也大夫降焉弔服

爲長子杖則其子不以杖卽位辟尊

爲妻父母在不杖不櫛顙尊者不敢盡

禮於私喪也

母在不檣類檣類者其贈也拜

言獨母在於贈拜得檣類則父在贈拜不得檣

類○方氏苞曰明雖父沒母存亦不敢檣類也既以父

母在不檣類不應重贈物而廢禮檣類者三字疑衍其

贈也拜總承上五句言弔者

贈者皆以拜答之不檣類也

違諸侯之大夫不反服違大夫之諸侯不反服

其君尊卑異也

違猶去也去諸侯仕諸侯去大夫仕大夫乃得為舊君

服○愚按不反服者非但已也居處飲食如反服一也

凡禮宜為服而

不得者皆然

喪冠條屬以別吉凶三年之練冠亦條屬右縫

別吉凶者吉冠

不條屬也條屬者通屈一條繩若布為武垂下為纓屬

之冠象大古喪事略也吉冠則纓武異材焉右縫者右

辟而小功以下左左辟象總冠纁纁之纁當為纁麻帶經

縫之左輕也總冠纁纁之纁當為纁麻帶經

有事其布
以為纓

大功以上散帶

小功總輕
初而絞之

朝服十五升去其半而總加灰錫也

總精麓與朝服同
去其半則六百縷

而疏也又無事
其布不灰焉

諸侯相襚以後路與冕服先路與褒衣不以襚

不以己
不正者

施於人以彼不以為正也後路貳車貳車行在後
也○愚按衣服曰襚車馬曰贈據此當亦可通與

遣車視牢具

言車多少各如所包遣奠而藏之者與遣奠天
則遣車載所包遣奠而藏之者與遣奠天

子大牢包九個諸侯亦大牢包七個大夫亦大
牢包五個士少牢包三個大夫以上乃有遣車疏布輅

四面有章置于四隅

輅其蓋也四面皆有章蔽以載輅
輅其蓋也四面皆有章蔽以載輅

有子曰非禮也

糧米也

喪奠脯醢而已

言死者不食糧也遺奠本無黍稷也

方氏苞曰注非也死者不食糧又能食牲體乎朝夕之奠惟脯醢以黍稷具於下室之饋也遺奠不載棖以入藏之黍稷實於笱也

祭稱孝子孝孫喪稱哀子哀孫

各以其義稱○愚按謂當顧名思義各盡其誠也

端喪車皆無等

喪車惡車也喪者衣衰及所乘之車貴賤同孝子於親一也衣衰言端者

玄端吉時常服喪之衣衰當如之○愚按此記云無等正與中庸孟子合益知前文大夫為其父母兄弟未為大夫一條之妄矣

大白冠緇布之冠皆不韡委武玄縞而后韡

不韡質無飾也大白

冠大古之布冠也春秋傳曰衛文公大布之衣大白之冠委武冠卷也秦人曰委齊人曰武玄玄冠也縞縞冠也○按

縞綏通

大夫冕而祭於公弁而祭於己士弁而祭於公冠而祭

於己

弁爵弁也冠玄冠也祭於公助君祭也大夫爵弁而祭於己唯孤爾○疏云冕絺冕也崔云孤不悉

絺冕士弁而親迎然則士弁而祭於己可也

緣類欲許之也親迎雖亦

己之事攝盛服爾非常也

暢曰以栒杵以梧所以擣鬱也栒柏也枇以桑長三尺或曰五尺

枇所以載牲體者此謂舉用桑長三尺刊其柄於末畢

喪祭也吉祭枇用棘以助主人載者刊猶削也

率帶諸侯大夫皆五采士二采

此謂襲尸之大帶率綽也綽之不加箴功大夫

以上更飾以五采士以朱緣襲事成於帶變之所以異於生○疏云此二采天子也士喪禮帶帶○齊召南曰此文明與士喪禮不合疏以天子之士強解之然上句言諸侯大夫皆五采豈是天子之大夫也又大夫不應與諸侯同此類禮文殘缺無可考正注疏皆為之辭耳

醴者稻醴也甕甗符衡實見閒而后折入

此謂葬時藏物也衡當為

枵所以底甕甗之屬聲之誤也實見閒藏於見外槨內也折承席也○按既夕禮注云見棺飾也又云折猶底也釋文云如

重既虞而埋之

就所倚處埋之○疏云埋之謂於祖廟門外之東也

凡婦人從其夫之爵位

婦人無專制生禮死事以夫為尊卑

小斂大斂啓皆辨拜

嫌當事來者終不拜故明之也此既事皆拜

朝夕哭不帷

緣孝子心欲見殯肆也既出則施其屋鬼神向幽閭也○釋文云屋字林戶臘反閉

也纂文云古閭字玉篇羌據公答二反皆云閉也○愚按說文云屋閉也無柩者不帷葬也

棺柩已去鬼神在室堂無事焉遂去帷

君若載而后弔之則主人東面而拜門右北面而踊出

待反而后奠

主人拜踊於賓位不敢迫君也君卽位車東出待不必君畱也君反之使奠

子羔之襲也繭衣裳與稅衣纁神爲一素端一皮弁一

爵弁一玄冕一曾子曰不襲婦服

繭衣裳者若今大襦也繭爲繭緇爲袍表

之以稅衣乃爲一稱爾稅衣若玄端而連衣裳者也大夫而以纁爲之緣非也唯婦人纁神禮以冠名服此襲

其服非襲其冠曾子譏襲婦服而已玄冕又大夫服未
闕子羔曷為襲之玄冕或謂為玄冠或為玄端○釋文
云衾裳下襜也王肅云婦人蔽膝也
○愚按如王說與不襲婦服意尤近

為君使而死公館復私館不復公館者公宮與公所為
也私館者自卿大夫以下之家也公所為君所作
離宮別館也

公七踊大夫五踊婦人居閒士三踊婦人皆居閒公君
也始

死及小斂大斂而踊若大夫士一也則皆三踊矣君五
日而殯大夫三日而殯士二日而殯士小斂之朝不踊
君大夫大斂之朝乃不踊婦人居閒
者踊必拾主人踊婦人踊賓乃踊

公襲卷衣一玄端一朝服一素積一纁裳一爵弁二玄

冕一襲衣一朱緣帶申加大帶於上朱緣帶者襲衣之
帶飾之雜以朱緣

異於生也此帶亦以素為之申重也重於革帶也革帶以佩韍必言重加大帶者明雖有變必備此二帶也士襲三稱子羔襲五稱今公襲九稱則尊卑

襲數不同矣諸侯七稱天子十二稱與

小斂環經公大夫士一也環經者一股所謂纏經也士素委貌大夫以上素爵弁而

加此經焉散帶

公視大斂公升商祝鋪席乃斂喪大記曰大夫之喪將大斂既鋪絞衾君至

比君升乃鋪席則君至為之改始新之也

魯人之贈也三玄二纁廣尺長終幅言失之也士喪禮下篇曰贈用制幣

玄纁束帛

弔者即位于門西東面其介在其東南北面西上西於

門賓立門外不當門

主孤西面

立於阼階下

相者受命曰孤某使某

請事客曰寡君使某如何不淑

受命受主人命以出也

淑善也如何不善言君痛之甚使某弔

相者入告出曰孤某須矣

稱其君名者君

薨稱子某使人知適嗣也須矣不出迎也

弔者入主人升堂西面弔者升自

西階東面致命曰寡君聞君之喪寡君使某如何不淑

子拜稽顙弔者降反位

子孤子也降反位者出反門外位無出字脫

含者執璧將命曰寡君使某含相者入告出曰孤某須

矣

含玉為璧制其分寸大小未間

含者入升堂致命子拜稽顙含者坐

委于殯東南有葦席既葬蒲席降出反位

言降出反位則是介也春

秋有既葬歸含贈襚無
議焉皆受之於殯宮 宰夫朝服卽喪屨升自西階西

面坐取瑩降自西階以東朝服待鄰國之禮也卽就也

卿也夫字衍朝服吉服也執玉不麻故著

朝服以仍在喪不可純吉故卽喪屨也
襚者曰寡君使某襚相者入告出曰孤某須矣襚者執

寬服左執領右執要入升堂致命曰寡君使某襚子拜

稽顙委衣于殯東亦於席上所委瑩 襚者降受爵弁服

於門內霤將命子拜稽顙如初受皮弁服於中庭自西

階受朝服自堂受玄端將命子拜稽顙皆如初襚者降

出反位投襚者以賈人 宰夫五人舉以東降自西階其舉亦

西面

亦西面者亦
縫者委衣時

上介贈執圭將命曰寡君使某贈相者入告反命曰孤

須矣陳乘黃大路於中庭北轉執圭將命客使自下由

路西子拜檣纓坐委于殯東南隅宰舉以東

轉轅也自
率也下謂

馬也馬在路之下觀禮曰路下四亞之客給使者入設

乘黃於大路之西客入則致命矣使或為史○陸德明

曰孤須矣從此盡篇末皆無某字有者非○愚按下謂

堂下即中庭也禮贈馬入廟門是贈馬陳於庭下也上

介執圭將命在堂上是時客之僕從陳乘黃大路者自

庭下而由路之西路即庭也方氏苞謂客使卑賤不敢

與主孤為禮故由西

路而下也亦可通
凡將命鄉殯將命子拜檣纓西面而坐委之宰舉璧與

圭宰夫舉祿升自西階西面坐取之降自西階

凡者說不見者

也鄉殯將命則將命時立於殯之西南宰夫宰之

佐也此言宰舉璧與圭則上宰夫朝服衍夫字

出反位于門外

乃著言門外明禮畢將更有事○陳注云此句當屬於前章上介贈云云宰舉

以東之下

上客臨曰寡君有宗廟之事不得承事使一介者某相

執綽

上客弔者也臨視也言欲入視喪所不足而給助之謙也其實為哭耳

相者反命曰

孤須矣臨者入門右介者皆從之立于其左東上

入門右不

自同於賓客○愚按由外入而言則右東也左西也

宗人納賓升受命于君降曰

孤敢辭吾子之辱請吾子之復位客對曰寡君命某母

敢視賓客敢辭宗人反命曰孤敢固辭吾子之辱請吾
子之復位客對曰寡君命某母敢視賓客敢固辭宗人
反命曰孤敢固辭吾子之辱請吾子之復位客對曰寡
君命使臣某母敢視賓客是以敢固辭固辭不獲命敢
不敬從也賓三辭而稱使臣為恭也為恭者將從其命客立于門西介立于門
左東上孤降自阼階拜之升哭與客拾踊三拜客謝其厚意○愚
按由內而言則右西也左東也始弔則介客出送于門
西上及臨則東上者公事尊私事卑也外拜檣類不迎而送喪無接賓之禮

其國有君喪不敢受弔

辟其痛傷己之親如君

外宗房中南面小臣鋪席商祝鋪絞紵衾士盥于盤北
舉遷尸于斂上卒斂宰告子馮之踊夫人東面坐馮之

興踊

此喪大記脫
字重著於是

士喪有與天子同者三其終夜燎及乘人專道而行人

謂使人執引也
專道人辟之

雜記下第二十一

有父之喪如未沒喪而母死其除父之喪也服其除服

卒事反喪服

沒猶竟也除服謂祥祭之服也卒
事既祭反喪服服後死者之服

雖諸父

昆弟之喪如當父母之喪其除諸父昆弟之喪也皆服

其除喪之服卒事反喪服

雖有親之大喪猶為輕服者除骨肉之恩也唯君之喪不

除私服言當者期大功之喪或終始皆在如三年之喪

則既穎其練祥皆行

言今之喪既服穎乃為前三年者

母之服今又喪長子者其先有練祥祭也此主謂先有父

其禮亦然則言未沒喪者已練祥矣穎草名無葛之

鄉去麻則用穎○愚按穎疑蒜字也○方氏苞曰練祥

行者補祭非除服也既穎行明未穎不得行也三年之

喪行明餘喪不得行也餘喪有主者則彼自及時而舉

練祥即此人為主既穎後亦不得追舉知然者上除服

兼諸父昆弟此獨舉三年之喪以別之也祭與除服相

有君喪服則私服不得除而練祥可追舉曾子問是也

並繫私服則前喪服皆得除而祭惟重喪可追舉此記

是也又曰注既穎謂虞後山陰陸氏以為禫後俱未安

禫則後喪大祥皆畢矣然後補前喪小祥練祭則過緩

虞後則後喪甫三月餘而飲福衣朝服可乎禮文殘缺
穎惟此記一見未知以穎代葛何據云然以義揆之當
為練後服也曰練祥皆行者至後喪練期則前喪練祭
可以次並舉其大祥之期至亦可先舉也曰既穎者將
練必先易穎而後祭也大祥之祭也主人於前夕除王
服易朝服祥因其故服則練祭亦前夕易服可知矣王
父死未練祥而孫又死猶是附於王父也未練祥嫌未

穆爾王父既附則孫可附焉猶當為由由用也附皆當
作附○愚按周卒哭而耐殷既練而耐此言練祥據殷
禮也猶是耐於王父言當俟練祥後王父既耐
而後孫耐焉猶不必改為由下猶是與祭同

有殯聞外喪哭之他室明所哭者異入奠卒奠出改服

即位如始即位之禮謂後日之哭朝入奠於其殯既

大夫士將與祭於公既視濯而父母死則猶是與祭也

次於異宮既祭釋服出公門外哭而歸其他如奔喪之

禮如未視濯則使人告告者反而後哭

猶亦當為由次於異宮不可以

吉與凶同處也使者反而後哭不敢專已於君命也○

愚按父母死反禁其哭踊而次於異宮甚非人情方氏

苞議為春秋隱禮如諸父昆弟姊妹之喪則既宿則

漢儒誤述之是也

與祭卒事出公門釋服而後歸其他如奔喪之禮如同

宮則次于異宮

宿則與祭出門乃解祭服皆為差緩也

曾子問曰卿大夫將為尸於公受宿矣而有齊衰內喪

則如之何孔子曰出舍乎公宮以待事禮也

尸重受宿則不得哭

內喪同宮也

孔子曰尸弁冕而出卿大夫士皆下之尸必式

必有前驅

冤兼言弁者君之尸或服士大夫之服也諸臣見尸而下車敬也尸式以禮

父母之喪將祭而昆弟死既殯而祭如同宮則雖臣妾

葬而后祭祭主人之升降散等執事者亦散等雖虞附

亦然

將祭謂練祥也言若同宮則是昆弟異宮也古者昆弟異居同財有東宮有西宮有南宮有北宮有

父母之喪

當在殯宮而在異宮者疾病或歸者主人適

子散等栗

階為新喪略威儀○方氏苞曰士之臣妾賤

葬事簡旬日

可畢又家徒少不能兼共祀事故葬而後

祭曾子問

總不祭疏謂天子諸侯臣妾死於宮中不得

為虞祔卒哭

之祭誤矣

自諸侯達諸士小祥之祭主人之酢也嘏之眾賓兄弟則皆啐之大祥主人啐之眾賓兄弟皆飲之可也

齊啐皆嘗

也齊至齒
啐入口

凡侍祭喪者告賓祭薦而不食
薦脯醢也告祭告賓祭
薦賓既祭而食之喪祭
賓不食○疏云此亦謂練
祥祭也其虞祔不獻賓也

子貢問喪子曰敬爲上哀次之瘠爲下顏色稱其情戚

容稱其服

問喪問居父母之喪也喪尚哀言敬爲上者
疾時尙不能敬也容威儀也孝經曰容止可

觀○愚按敬哀瘠三者皆不可廢也有重輕耳喪之顏
色如喪容纍纍色容顛顛是也稱其服謂齊斬輕重

請問兄弟之喪子曰兄弟之喪則存乎書策矣

言疏者
如禮行

之未有加也齊斬之喪哀容之體紅
不能載矣○愚按小功謂之兄弟

君子不奪人之喪

重喪
禮也

亦不可奪喪也

不可以輕
之於己也

孔子曰少連大連善居喪三日不怠三月不解期悲哀

三年憂東夷之子也

言其生於夷狄而知禮也怠惰也解倦也

三年之喪言而不語對而不問廬聖室之中不與人坐

焉在聖室之中非時見乎母也不入門

言言已事也為人說為語在聖

室之中以時事見乎母乃後入門則居廬時不入門

疏衰皆居聖室不廬廬嚴者

也言廬哀敬之處非有其實則不居

妻視叔父母姑姊妹視兄弟長中下殤視成人

視猶比也所比

者哀容居處也

親喪外除

日月已竟而哀未忘

兄弟之喪內除

日月未竟而哀已殺○顧炎武曰親

喪外除者祥為喪之終矣而哀未忘故中月而禫兄弟
之喪內除者如其日月而止注非也○愚按顧說如其
日月而止似不得謂之
內除必如鄭說始通矣

視君之母與君之妻比之兄弟發諸顏色者亦不飲食

也

言小君服輕亦內除也發於顏色謂釀美酒食使人
醉飽○愚按此兄弟亦謂小功也儀禮凡小功者謂

之兄
弟

免喪之外行於道路見似目瞿聞名心瞿弔死而問疾

顏色戚容必有以異於人也如此而后可以服三年之

喪其餘則直道而行之是也

惻隱之心能如是則其餘
齊衰以下直道而行盡自

得也似謂容貌似其
父母也名與親同

祥主人之除也於夕為期朝服祥因其故服為期為祭

以期至明日而行祭亦朝服始即吉正祭服也喪服小

記曰除成喪者其祭也朝服縞冠是也祭猶縞冠未純

吉也既祭乃服大祥素縞麻衣釋禫之禮云玄衣黃裳

則是禫祭玄冠矣黃裳者未大吉也既祭乃服禫服朝

服縞冠踰月吉祭乃玄冠朝服既祭玄端而居復平常

也○疏云此據諸侯卿大夫言之從祥至吉凡服有六

常○方氏苞曰祥為吉祭前夕

常視濯省牲不得仍練服

子游曰既祥雖不當縞者必縞然後反服謂有以喪事

不及時猶變服服祥祭之服以受之重其禮也其於此

時始弔者則衛將軍文子之為之是矣反服反素縞麻

衣也○方氏苞曰不當

縞謂有新喪之重服也

當袒大夫至雖當踊絕踊而拜之反改成踊乃襲尊大

禮記集說卷下

二



至則拜之不待事已也。於士既事成踊襲而后拜之，不更成踊者，新其事也。於士既事成踊襲而后拜之，不改成踊，事於士，士至也。事謂大小斂之屬。方氏苞曰：若獨於士，然所謂既事者，即士喪禮視殯設熬卒塗置銘諸事也。蓋於大夫則加蓋後，即降拜然後視殯於士，則直至置銘踊襲後，然後拜之，故曰不改成踊也。於大夫絕加蓋時踊以前踊未終，故曰改成踊。上大夫之虞也，少牢卒哭成事附皆大牢下大夫之虞也，牲卒哭成事附皆少牢。卒哭成事附，言皆則卒哭虞以牲，牲與士虞禮同。與齊召南曰：左傳襄二十二年鄭公孫黑肱有疾，使薄祭，祭以特羊，殷以少牢。疏曰：少牢饋食禮者，謂侯之大夫時祭禮也。而禮器云：君子大牢而祭，謂之禋，又雜記上大夫之虞云云。據此文，大夫得用大牢者，禮器之文據天子大夫言也。雜記據喪祭故進用一等士喪禮，士遣奠用少牢是也。禮大夫

時祭少牢大祭大牢今黑肱全減之
謙也按此疏甚明可移以解此文

祝稱卜葬虞子孫曰哀夫曰乃兄弟曰某卜葬其兄弟

曰伯子某

祝稱卜葬虞者卜葬卜虞祝稱主人之辭也孫謂為祖後者稱曰哀孫某卜葬其祖某甫

夫曰乃某卜葬其妻某氏兄弟相為卜稱名而已○疏云初虞用葬日故并言葬虞也○方氏苞曰夫曰乃者

稱乃夫某

古者貴賤皆杖叔孫武叔朝見輪人以其杖闕轂而輅

輪者於是有爵而后杖也

記庶人失禮所由始也叔孫武叔魯大夫叔孫州仇也輪

人作車輪之官○釋文輅迴也

鑿巾以飯公羊賈為之也

記士失禮所由始也士親飯必發其巾大夫以上賓為飯

焉則有
鑒巾

冒者何也所以揜形也自襲以至小斂不設冒則形是

以襲而后設冒也

言設冒者爲其形人將惡之也襲而設冒言后衍字耳○方氏苞曰設冒

似非爲人惡之鬼神之情既之幽不欲嚮明也

或問於曾子曰夫既遣而包其餘猶既食而裹其餘與

君子既食則裹其餘乎

言遣既奠而又包之是與食於人已而裹其餘將去何異與君

子寧爲是乎言傷廉也

曾子曰吾子不見大饗乎夫大饗既饗卷

三牲之俎歸于賓館父母而賓客之所以爲哀也子不

見大饗乎

既饗歸賓俎所以厚之也言父母家之主今賓客之是孝子哀親之去也

非爲人喪問與賜與

此上滅脫未聞其首云何是言非爲人喪而問之與人喪而賜之與

問遺也久無事日問

三年之喪以其喪拜非三年之喪以吉拜

謂受問受賜者也稽顙而

後拜曰喪拜拜而後稽顙曰吉拜

三年之喪如或遺之酒肉則受之必三辭主人衰絰而

受之

受之必正服明不苟於滋味

如君命則不敢辭受而薦之

薦於廟貴

君之

喪者不遺人人遺之雖酒肉受也從父昆弟以下

既卒哭遺人可也

言齊斬之喪重志不在施惠於人

縣子曰三年之喪如斬期之喪如刻

言其痛之惻怛有淺深也

期之喪十一月而練十三月而祥十五月而禫此謂父

也當在練則弔上爛脫在此○齊召南曰按鄭注甚明

此期喪專主父在為母故備二祥之節而加以禫若他

期喪及期而除三年之喪雖功衰不弔自諸侯達諸士

無所謂禫也

如有服而將往哭之則服其服而往功衰既練之服也

服而往哭謂所不臣也○方氏苞曰檀弓有殯聞遠兄

弟之喪雖總必往專舉同姓此曰服其服則兼異姓之

小功總麻也○愚按弔與哭亦有別弔施於生者哭施

於死者雖在異姓既為有服之親則聞其死而往哭亦

情之不能已也子張死曾子以母之齊衰往哭之或曰

齊衰不以弔曾子曰我弔也與哉然則哭異於弔明矣

子張於曾子父執也而猶然是練則弔父在為母功衰

雖無服而往哭之其亦可也

父在故輕於出也然則凡既葬大功弔哭而退不聽事

齊衰十一月皆可以出矣

焉聽猶待也事謂襲斂執紼之屬○愚按既葬大功弔絕句言大功既葬則可弔也期之喪未

葬弔於鄉人哭而退不聽事焉功衰弔待事不執事謂

姑姊妹無主殯不在己族者○愚按鄭知此期喪謂姑

姊妹者以情輕故也功衰卽此喪既葬受以大功之衰

也○言弔又言哭者弔謂置詞也凡弔必先置詞然後

哭子夏喪明曾子曰吾聞之朋友喪明則哭之此弔詞

也曾子哭此哭也惟重喪未除者小功總執事不與於

則哭而不弔曾子於子張是也

禮禮饋也相趨也出宮而退相揖也衰次而退相問也既

封而退相見也反哭而退朋友虞附而退此弔者恩薄厚去遲速之

節也相趨謂相聞姓名來會喪事也相揖當會於他也

相問當相惠遺也相見嘗執摯相見也附皆當爲祔○

陳注云相趨者古弔非從主人也四十者執紼言弔者

人以趨示敬也

人之事從猶隨也成人二十以上至四十下壯時鄉人五十者從反哭四十者待盈坎非鄉人則長少皆反

喪食雖惡必充飢飢而廢事非禮也飽而忘哀亦非禮

也視不明聽不聰行不正不知哀君子病之故有疾飲

酒食肉五十不致毀六十不毀七十飲酒食肉皆爲疑

死病猶憂也有服人召之食不往大功以下既葬適人

人食之其黨也食之非其黨弗食也往而見食則可食也爲食而往則不

可黨猶親也非親而食功衰食菜果飲水漿無鹽酪不

能食食鹽酪可也功衰齊斬之末也酪酢醢孔子曰身有瘍則浴首

有創則沐病則飲酒食肉毀瘠爲病君子弗爲也毀而

死君子謂之無子

毀而死是不重親

非從柩與反哭無免於塋

言喪服出入非此二事皆冠也免所以代冠人於道路不

可以無飾塋道路

凡喪小功以上非虞附練祥無沐浴

言不有飾事則不沐浴

疏衰之喪既葬人請見之則見不請見人小功請見人

可也大功不以執摯唯父母之喪不辟涕泣而見人

言重

喪不行求見人爾人來求見己亦可以見之矣不辟涕泣言至哀無飾也○方氏苞曰不辟涕泣謂身執事者情勢有所窮也

三年之喪祥而從政期之喪卒哭而從政九月之喪既

葬而從政小功緦之喪既殯而從政以王制言之此謂庶人也從政從爲

政者教令謂給繇役

曾申問於曾子曰哭父母有常聲乎曰中路嬰兒失其

母焉何常聲之有嬰猶驚彌也言其若小兒亡母啼號安得常聲乎所謂哭不偯

卒哭而諱自此而鬼神事王父母兄弟世父叔父姑姊

妹子與父同諱父爲其親諱則子不敢不從諱也謂王父母以下之親諱是謂士也天子諸侯

諱羣祖○方氏苞曰王父母總貫下蓋王父母之兄弟

伯叔父姑姊妹父諱之則子在父側亦不敢舉其名也

檀弓逮事父母則諱王母之諱宮中諱妻之諱不舉諸

父母與此義正相發

其側與從祖昆弟同名則諱

母之所為其親諱子孫於宮中不言妻之所為其親

諱夫於其側亦不言也孝子問名心懼凡不言人諱者亦為其相感動也子與父同諱則子可盡曾祖之親也從祖昆弟在其中於父輕不為諱與母妻之親同名重則諱之

以喪冠者雖三年之喪可也既冠於次入哭踊三者三

乃出

言雖者明齊衰以下皆可以喪冠也始遭喪以其冠月則喪服因冠矣非其冠月待變除卒哭而冠

次廬也雖或為唯

大功之末可以冠子可以嫁子父小功之末可以冠子

可以嫁子可以取婦已雖小功既卒哭可以冠取妻下

殤之小功則不可

此皆謂可用吉禮之時父大功卒哭而可以冠子嫁子小功卒哭而可以

取婦已大功卒哭而可以冠子小功卒哭而可以取妻
必偕祭乃行也下殤小功齊衰之親除喪而後可以爲
禮凡冠者其時當冠則因喪而冠之○陳注云末服之
將除也舊說以末爲卒哭後恐非○愚按必偕祭乃行
者冠娶必祭須父子同在服末乃後得行也○疏引賀
瑒云小功下殤本是期親以其重故不得行○疏此而
言降在大功理不得期親矣○齊召南曰按賀瑒此論
孔疏之所取也又按南史賀琛傳皇太子議大功之末
可以冠子嫁女不得自冠自娶推以記文竊猶致惑冠
嫁女不得自冠自娶推以記文竊猶致惑冠嫁女之禮本
是禮之所成無父之人乃可自冠自娶故記稱大功小
以冠子嫁子爲文非關惟得爲子而已身不得也小功
之末既得自娶而亦云冠子取婦其義益明冠子嫁子
結於後句方顯自娶之義既明小功自娶即知大功自
冠矣蓋有服不行嘉禮本謂吉凶不可相干子雖大功
之末可得行冠嫁猶應須父得爲其冠嫁父於大功之
末可以冠子嫁子是於吉凶禮無礙豈不得自冠自嫁
乎又令旨推下殤小功不可取婦則降服大功亦不得

爲子冠嫁按記文惟稱下殤實有其義緣幼弱之故天
喪情深故特明不娶以示本恩之重不得言大功之降
服皆不冠嫁也且記言下殤則不得通於中上語小功
又不得兼於大功也遂從琛議按琛卽瑒之從子而其
論與瑒判然不同蓋卽庚蔚之說也雖爲孔疏所不
取而駁辨甚暢今附錄焉○愚按賀氏辨說並可爲窮
經者法故兩存之

凡弁經其袷侈袂也總也疑也袂之小者二尺二寸大
者半而益之則侈袂三尺三寸

父有服宮中子不與於樂母有服聲聞焉不舉樂妻有

服不舉樂於其側宮中子與父同宮者也禮由命士以

不得大功將至辟琴瑟也亦所以助哀小功至不絕樂

姑姊妹其夫死而夫黨無兄弟使夫之族人主喪妻之

黨雖親弗主

此謂姑姊妹無子寡而死也夫黨無兄弟無總之親也其主喪不使妻之親而使夫

之族人婦人外成主必宜得夫之姓類

夫若無族矣則前後家東西家無

有則里尹主之

喪無無主也里尹閭胥里宰之屬王度記曰百戶為里里一尹其祿如庶人在

官者里或為士諸侯弔於異國之臣則其君為主里尹主之亦斯義也○疏云案別錄王度記云似齊宣王時

治于兒等

或曰主之而附於夫之黨

妻之黨自主之非也夫之黨其祖姑

也

麻者不紳執玉不麻麻不加於采

吉凶不相干也麻謂

要經代大帶也麻不加於采衣采者不麻謂弁經者必服弔服是也采玄纁之衣

國禁哭則止朝夕之奠卽位自因也禁哭謂大祭祀時雖不哭猶朝夕奠

自因自童子哭不偯不踊不杖不菲不廬未成人者不用故事

室則杖○疏引載德云童子當室謂十五以上皇氏云童子當室則備此經中五事特云杖者舉重言也

孔子曰伯母叔母疏衰踊不絕地姑姊妹之大功踊絕

於地如知此者由文矣哉由文矣哉由用也言知此踊絕地不絕地之情

者能用禮文矣能用禮文哉美之也伯母叔母義也姑姊妹骨肉也

泄柳之母死相者由左泄柳死其徒由右相由右相泄

柳之徒爲之也亦記失禮所由始也泄柳魯穆公時賢人也相相主人之禮○愚按檀弓云有

若之喪子游擯由左注云喪禮廢亡時人以爲此儀當如詔辭而皆由右相是善子游正之据此注則知由右

相不自泄柳之徒始矣

天子飯九貝諸侯七大夫五士三

此蓋夏時禮也周士禮天子飯含用玉

三月而葬是月也卒哭大夫三月而葬五月而卒哭諸

侯五月而葬七月而卒哭士三虞大夫五諸侯七

尊卑恩之

差也天子至士葬即反虞

諸侯使人弔其次含襚賵臨皆同日而畢事者也其次

如此也

言五者相次同時

卿大夫疾君問之無算士壹問之君於卿大夫比葬不

食肉比卒哭不舉樂爲士比殯不舉樂

○方氏苞曰比葬不食肉恐當

作

升正柩諸侯執綽五百人四綽皆銜枚司馬執鐸左八

人右八人匠人執羽葆御柩大夫之喪其升正柩也執

引者三百人執鐸者左右各四人御柩以茅升正柩者謂將葬朝

於祖正棺於廟也五百人謂一黨之民諸侯之大夫邑

御柩者居前道正之大夫士皆

孔子曰管仲鏤簋而朱紘旅樹而反坫山節而藻梲賢

大夫也而難爲上也言其僭天子諸侯鏤簋刻爲蟲獸

上屬下不結旅樹門屏也反坫反爵之坫也晏平仲祀

山節薄瑱刻之爲山梲侏儒柱畫之爲藻文

其先人豚肩不揜豆賢大夫也而難為下也

言其偏土庶人也豚

俎實豆徑尺言併豚兩肩不能覆豆喻小也

君子上不僭上下不偪下

婦人非三年之喪不踰封而弔

踰封越竟也或為越疆

如三年之

喪則君夫人歸

奔父母喪也

夫人其歸也以諸侯之弔禮其

待之也若待諸侯然

謂夫人行道車服主國致禮

夫人至入自闔門

升自側階君在阼其他如奔喪禮然

女子子不自同於女賓也宮中之門

日闔門為相通者也側階亦旁階也他謂哭踊髮麻闔門或為帷門○疏云奔喪禮婦人升自東階故知側階

東旁階也

嫂不撫叔叔不撫嫂也

遠別也

君子有三患未之聞患弗得聞也既聞之患弗得學也
既學之患弗能行也君子有五恥居其位無其言君子
恥之有其言無其行君子恥之既得之而又失之君子
恥之地有餘而民不足君子恥之眾寡均而倍焉君子
恥之恥民不足者古者居民量地以制邑度地以居民
地邑民居必參相得也眾寡均謂俱有役事人數
等也倍焉彼功倍己也○
愚按得失即以行言也

孔子曰凶年則乘鵠馬祀以下牲

自貶損亦取易供也
鵠馬六種最下者下

牲少牢若特豕特豚也○方氏
苞以爲鵠當作髦愚謂恐未然

恤由之喪哀公使孺悲之孔子學士喪禮士喪禮於是

乎書

時人轉而僭上士之喪禮已廢矣孔子以教孺悲國人乃復書而存之

子貢觀於蜡孔子曰賜也樂乎對曰一國之人皆若狂

賜未知其樂也

蜡也者索也歲十二月合聚萬物而索饗之祭也國索鬼神而祭祀則黨正以

禮屬民而飲酒于序以正齒位於是時民無不醉者如狂矣曰未知其樂怪之子曰百日之蜡

一日之澤非爾所知也

蜡之祭主先嗇也大飲烝勞農以休息之言民皆勤稼穡有百

日之勞喻久也今一日使之飲酒燕樂是君之恩澤非女所知言其義大張而不弛文武弗

能也弛而不張文武弗爲也一張一弛文武之道也

張

以弓弩喻人也弓弩久張之則絕其力久弛之則失其體

孟獻子曰正月日至可以有事於上帝七月日至可以

有事於祖七月而禘獻子爲之也

記魯失禮所由也孟

也魯以周公之故得以正月日至之後郊天亦以始祖
后稷配之獻子欲尊其祖以郊天之月對月禘之非也
魯之宗廟猶以夏時之孟月爾明堂位曰季夏六月以
禘禮祀周公於大廟○愚按此必因事廢禘其後欲追
爲之或云不可獻子乃爲權禮之議如此說者不議魯
禘之非禮而責獻子之失時過矣○疏引鄭又一解云
禮記之言不可合於春秋之例愚謂此真通論疏又引
春秋何也○齊召南曰襄七年左傳孟獻子曰啓蟄而
郊郊而後耕杜注云啓蟄夏正建寅之月疏云據傳獻
子此言郊天之禮必用周之三月而雜記云云二文不
同必有一謬禮記後人所
錄左傳當得其真云云

夫人之不命於天子自魯昭公始也

亦記魯失禮所由

世皆姻不通吳大伯之後魯同姓昭公取於吳謂之吳
孟子不告於天子自此後取者遂不告於天子天子亦

不命之

外宗爲君夫人猶內宗也

皆謂嫁於國中者也爲君服

服至尊也外宗謂姑姊妹之女舅之女及從母皆是也

內宗五屬之女也其無服而嫁於諸臣者從爲夫之君

廋焚孔子拜鄉人爲火來者

拜謝

拜之士壺大夫再亦

相弔之道也

言拜之者爲其來弔己宗伯職日以弔禮哀禍災

孔子曰管仲遇盜取二人焉上以爲公臣曰其所與遊

辟也可人也

言此人可也但居惡人之中使之犯法

管仲死桓公使爲之

服宦於大夫者之爲之服也自管仲始也有君命焉爾

也亦記失禮所由也善桓公不忘賢者之舉宦猶仕也此仕於大夫更升於公與違大夫之諸侯同爾禮不服反

過而舉君之諱則起舉猶言也起立者失言而變自新與君之諱同則

稱字謂諸臣之名也

內亂不與焉外患弗辟也謂卿大夫也同僚將為亂己力不能討不與而已至於鄰

國為寇則當死之也春秋魯公子友如陳葬原仲傳曰君子辟內難而不辟外難

贊大行曰圭公九寸侯伯七寸子男五寸博三寸厚半

寸剡上左右各寸半玉也藻三采六等贊大行者書說大行人之禮者

名也藻薦玉者也三采六等以朱白蒼畫之再行也子男執璧作此贊者失之矣

哀公問子羔曰子之食奚當問其先人始仕對曰文公食祿以何君時之下執事也

成廟則釁之其禮祝宗人宰夫雍人皆爵弁純衣廟新成必

釁之尊而神之神也宗人先請於君曰請命以釁某廟君諾之乃行○愚按雍當與饗同又案注云先請於君云

云見大戴記雍人拭羊宗人祝之宰夫北面于碑南東上居

者宰夫也宰夫搯主也拭靜也○愚按宗人祝之其辭未問此節並見大戴禮釁廟篇但彼君臣同著元服與

此雍人舉羊升屋自中中屋南面割羊血流于前乃降

門夾室皆用雞先門而後夾室其岬皆於屋下割雞門

當門夾室中室自由也岬謂將割牲以釁先滅耳旁毛薦之耳聽聲者告神欲其聽之周禮

有司有司皆鄉室而立門則有司有司當門北面祝宗人

既事宗人告事畢乃皆退告者告反命于君曰釁某廟

事畢反命于寢君南鄉于門內朝服既反命乃退君朝

不至路寢成則考之而不釁釁屋者交神明之道也路言

落之爾檀弓曰晉獻文子成室諸大夫發焉是也以凡

宗廟之器其名者成則釁之以豶豚宗廟名器謂

諸侯出夫人夫人比至于其國以夫人之禮行至以夫

人入行道以夫人之禮者奔妻致使者將命曰寡君不

敏不能從而事社稷宗廟使使臣某敢告於執事主人

對曰寡君固前辭不教矣寡君敢不敬須以俟命前辭不教

謂納采時也此辭賓在門外擯者傳焉賓入致命如初

主人卒辭曰敢不聽命○愚按敬須以俟命俟後命也

古者夫人被出有復反之義傳曰蔡姬

蕩公公怒歸之未絕之也蔡人嫁之有司官陳器皿

主人有司亦官受之器皿其本所齋物妻出夫使人致

之曰某不敏不能從而共乘盛使某也敢告於侍者主

人對曰某之子不肖不敢辟誅敢不敬須以俟命使者

退主人拜送之肖似也不似言不如舅在則稱舅舅沒

則稱兄無兄則稱夫言并妻者父兄在則稱之命當主

人之辭曰某之子不肖如姑姊妹亦皆稱之姑姊妹見

奔亦曰某

之姑某之姊
若妹不肖

孔子曰吾食於少施氏而飽少施氏食我以禮

言貴其禮待

已而為之飽也時人倨慢若季氏則不以禮矣少施氏魯惠公子施父之後○愚按禮貴辭讓孔子食於季氏不辭共食不飽孔子食於施氏而飽此聖人從容中禮也吾祭作而辭曰疏食不足

祭也吾飧作而辭曰疏食也不敢以傷吾子

納幣一束束五兩兩五尋

納幣謂昏禮納徵也十個為束貴成數兩兩者合其卷是

謂五兩八尺曰尋五兩五尋則每卷二丈也

婦見舅姑

兄弟姊妹皆立于堂下西面北上見已

婦來為供養也其見

主於尊者兄弟以下在見諸父各就其寢

旁尊也亦為見時不來

女雖未許嫁年二十而笄禮之婦人執其禮雖未許嫁

爲成人矣禮之酌以成之言婦人執其禮明非許嫁之

笄○愚按婦人蓋姆歟無主婦及女賓不備儀也備儀

者十五許嫁燕則髻首既笄之後去之猶

而笄之時

韠長三尺下廣二尺上廣一尺會去上五寸紕以爵韋

六寸不至下五寸純以素紃以五采會謂領上縫也領

在旁曰紕在下曰純素生帛也紕六寸者中執之表裏

各三寸也純紕所不至者五寸與會去上同紃施諸縫

中若今時條也○方氏苞曰會卽玉藻所謂頸也彼言

頸廣此言其長○愚按會紕同以爵韋也約而言之韠

長三尺會之上餘五寸純之下餘五寸紕施於表裏兩旁紃施於諸縫中

禮記箋

喪大記第二十二

疾病外內皆埽

為賓客將來問病也疾困曰病

君大夫徹縣士去琴瑟

聲音動人病者欲靜也凡樂器天子宮縣諸侯縣大夫判縣士特縣去琴瑟者不命之士

寢東首

於北牖下

謂君來視之時也病者恆居北牖下○愚謂北牖者是廢牀徹褻

廢牀徹褻

衣加新衣體一人

廢去也人始生在地去牀席其生氣反微褻衣則所加者新朝服矣互言

之也加朝服者明其終於正也體手足也四人持之為其不能自屈伸也

男女改服

為賓客來問病

亦朝服也

屬纊以俟絕氣

纊今之新絲易動搖

男子不

死於婦人之手婦人不死於男子之手

君子重終為其相襲

君夫人卒於路寢大夫世婦卒於適寢內子未命則死

於下室遷尸于寢士之妻皆死于寢言死者必皆於正處也寢室通耳其

尊者所不燕焉君謂之路寢大夫謂之適寢士或謂之適室此變命婦言世婦者明尊卑同也世婦以君下寢

之上為適寢內子卿之妻也下室其燕處也○愚按此路寢謂夫人正寢非君聽政之路寢也適寢亦謂世婦

生時所居之正室非夫人下寢之上也

復有林麓則虞人設階無林麓則狄人設階復招魂復魄也階所

乘以升屋者虞人主林麓之官也狄人樂吏之賤者階梯也冀虞之類

小臣復復者朝服君以卷夫人以屈狄大夫以玄纁世

婦以黼衣士以爵弁士妻以稅衣皆升自東榮中屋履

危北面三號捲衣投于前司服受之降自西北榮小臣

近臣也朝服而復所以事君之衣也用朝服而復之者

敬也復用死者之祭服以其求於神也君以卷謂上公

也夫人以屈狄互言耳上公以衮則夫人用褱衣而侯

伯以驚其夫人用揄狄子男以毳其夫人乃用屈狄矣

賴赤也玄衣赤裳所謂卿大夫自玄冕而下之服也其

世婦亦以褱衣榮屋翼升東榮者謂卿大夫士也天子

諸侯言東雷危棟上也號若云皋其爲賓則公館復私

某復也司服以篋待衣於堂前

館不復其在野則升其乘車之左轂而復私館卿大夫

之復爲主

人之惡

復衣不以衣尸不以斂其生也若以其衣襲斂是用生

施死於義相反士喪禮

云以衣衣尸浴而去之婦人復不以衽衽嫁時上服而

非事鬼神之衣

凡復男子稱名婦人稱字

婦人不以名行○按孔叢子衛將軍文子之內子死復者

曰皋媚女復子思聞之曰此女氏之字非夫氏之名也婦人於夫氏以姓氏稱禮也唯哭先復復

而後行死事

氣絕則哭哭而復復而不蘇可以為死事○愚按先讀去聲如以乘韋先之先

始卒主人啼兄弟哭婦人哭踊

悲哀有深淺也若嬰兒中路失母能勿啼乎

既正尸子坐于東方卿大夫父兄子姓立于東方有司

庶士哭于堂下北面夫人坐于西方內命婦姑姊妹子

姓立于西方外命婦率外宗哭于堂上北面

正尸者謂遷尸牖下

南首也子姓謂眾子孫也姓之言生也其男子立於主

人後女子立於夫人後世婦為內命婦卿大夫之妻為

外命婦外宗姑姊妹之女○疏云立于東方當在戶外之東方婦人無堂下之位故皆堂上北面

大夫之喪主人坐于東方主婦坐于西方其有命夫命

婦則坐無則皆立

命夫命婦來哭者同宗父兄子姓姑姊妹子姓也凡此哭者尊者坐卑者

立○愚按喪紀當論親疏不合別貴賤同宗之人而有爵則坐無爵即立甚非人情方氏苞駁之良是士

之喪主人父兄子姓皆坐于東方主婦姑姊妹子姓皆

坐于西方

士賤同宗尊卑皆坐

凡哭尸于室者主人二手承衾而

哭

承衾哭者哀慕若欲攀援

君之喪未小斂爲寄公國賓出大夫之喪未小斂爲君

命出士之喪於大夫不當斂則出

父母始死悲哀非所尊不出也出者或至

庭或至門國賓聘大夫不當斂其來非斂時

凡主人之出也徒跣扱衽拊心降自西階君拜寄公國

賓于位大夫於君命迎于寢門外使者升堂致命主人

拜于下士於大夫親弔則與之哭不逆於門外拜寄公

位寄於庭鄉其位而拜之此時寄公位在門西國賓位

在門東皆北面小斂之後寄公東面國賓門西北面士

於大夫親弔謂大夫身來弔士也與之哭既

拜之即位西階東面哭大夫特來則北面

夫人爲寄公夫人出命婦爲夫人之命出土妻不當斂

則爲命婦出出拜之於堂上也此時寄公夫人命婦

位在堂上北面小斂之後尸西東面

小斂主人即位于戶內主婦東面乃斂卒斂主人馮之

踊主婦亦如之主人袒說髻括髮以麻婦人髻帶麻于

房中

士既殯說髻此云小斂蓋諸侯禮也士之既殯諸侯之小斂於死者俱三日也婦人之髻帶麻於房

中則西房也天子諸侯有左右房

徹帷男女奉尸夷于堂降拜

夷之言尸也於遷尸主人主婦以下從而奉之孝敬

之心降拜拜賓也

君拜寄公國賓大夫士拜卿大夫於位於士旁三拜夫

人亦拜寄公夫人於堂上大夫內子士妻特拜命婦汜

拜眾賓於堂上

眾賓謂士妻也尊者皆特拜拜士與其妻皆旅之○愚按陳注讀君拜寄公國

賓大夫士為句本疏所取皇氏說也義與鄭合熊氏云大夫士拜卿大夫於位者是卿大夫士家自遭喪小斂後拜賓耳大夫內子士妻亦然方氏苞謂如其說主人則似國君惟拜寄公夫人惟拜寄公夫人矣非也主人

即位襲帶經踊

即位阼階之下位也。有襲經乃踊尊卑相變也。○疏云拜賓時袒今拜訖襲衣

加要帶首經於序

母之喪即位而免

記異者禮斬衰括髮齊衰免以至成

東復位乃踊也

乃奠

小斂弔者襲裘加武帶經與

主人拾踊

始死弔者朝服裼裘如吉時也。小斂則改襲而加武與帶經矣。武吉冠之卷也。加武者明

不改冠亦不免也。檀弓曰主人既小斂子游趨而出襲裘帶經而入

君喪虞人出木角狄人出壺雍人出鼎司馬縣之乃官

代哭

代更也。未殯哭不絕聲為其罷倦既小斂可以為漏刻分時而更哭也。木給繫龜角以為調水斗壺

漏水之器也。冬漏以火爨鼎沸而後沃之。此挈壺氏所掌也。屬司馬司馬蒞縣其器。○釋文酈音俱水斗也。隱

義云容四升。○愚按代哭之禮似非人情豈以為偽歟。○方氏苞曰使主人聞代哭之聲恍然自覺哀敬之不

屬而內省無以自安又使族姻之遞代而不哭者知出
位喻暗錯立族談之非禮而不失臨喪之色禮有以故
興物者斯之謂也○愚按方氏苞曲為之說耳蒙意終
不以為然也南史孔秀之遺令曰世俗以僕妾直靈助
哭當絲喪主不能消至欲以多聲相亂魂而有大夫官
靈吾當笑之是則古人已有先我而非之者矣大夫官
代哭不縣壺也下君士代哭不以官疏哭也親君堂上二燭
下二燭大夫堂上一燭下二燭士堂上一燭下一燭燭所

以照饌也滅
燎而設燭

翼出徹帷君與大夫之禮也士卒
斂即徹帷徹或為廢

哭尸于堂上主人在東方由外來者在西方諸婦南鄉

由外來謂奔喪者也無
奔喪者婦人猶東面

婦人迎客送客不下堂下堂不哭男子出寢門外見人

不哭

婦人所有事自堂及房男子所有事自堂及門非其事處而哭猶野哭也出門見人謂迎賓客者也

其無女主則男主拜女賓于寢門內其無男主則女主

拜男賓于阼階下子幼則以衰抱之人爲之拜爲後者

不在則有爵者辭無爵者人爲之拜在竟內則俟之在

竟外則殯葬可也喪有無後無無主

拜者皆拜賓於位也爲後者有爵攝

主爲之辭於賓耳不敢當尊者禮也

君之喪三日子夫人杖五日既殯授大夫世婦杖子大

夫寢門之外杖寢門之內輯之夫人世婦在其次則杖

卽位則使人執之子有王命則去杖國君之命則輯杖
聽卜有事於尸則去杖大夫於君所則輯杖於大夫所
則杖三日者死之後三日也爲君杖不同日人君禮大
夫人世婦次於房中卽位堂上堂上近尸殯使人執杖
不敢自持也子於國君之命輯杖下成君不敢敵之也
卜葬卽寢門外位也獨焉則杖君謂子也於大夫所
與之俱卽寢門外位也獨焉則杖君謂子也於大夫所
杖俱爲君杖不相下也

大夫之喪三日之朝旣殯主人主婦室老皆杖大夫有

君命則去杖大夫之命則輯杖內子爲夫人之命去杖

爲世婦之命授人杖

大夫有君命去杖此指大夫之子也而云大夫者通實大夫有父母

之喪也授人杖與使人執之同也

士之喪二日而殯三日之朝主人杖婦人皆杖於君命

夫人之命如大夫於大夫世婦之命如大夫士二日而

夫也士之禮死與往日生與來日此二日於死者亦得

三日也婦人皆杖謂主婦容妾為君女子在室者

子皆杖不以即位子謂凡庶子也不大夫士哭殯則杖

哭柩則輯杖哭殯謂既塗也哭柩謂啟後也大夫士之

之子於父父也君也尊遠杖不入廟門弃杖者斷而弃之於隱者杖以喪

君設大盤造冰焉大夫設夷盤造冰焉士併瓦盤無冰

設牀禮第有枕舍一牀襲一牀遷尸于堂又一牀皆有

枕席君大夫士一也

此皆沐浴之後宜承濡濯弁於坎下札爛脫在此耳造猶內也禮

第袒黃也謂無席如浴時牀也禮自仲春之後尸既襲

既小斂先內冰盤中乃設牀於其上不施席而遷尸焉

秋涼而止士不用冰以瓦為盤併以盛水耳漢禮大盤

廣八尺長丈二深三尺赤中夷盤小焉周禮天子夷盤

士喪禮君賜冰亦用夷

盤然則其制宜同之

始死遷尸于牀幰用斂衾去死衣小臣楔齒用角柶綴

足用燕几君大夫士一也

牀謂所設牀第當牖者也士喪禮曰士死於適室幰用斂

食去死衣病時所加新衣及復衣也去之以俟沐浴

管人汲不說綯屈之盡階不升堂授御者御者入浴小

臣四人抗衾御者二人浴浴水用盆沃水用料浴用絺
巾拒用浴衣如它日小臣爪足浴餘水弃于坎其母之

喪則內御者抗衾而浴

抗衾者蔽上重形也拒拭也爪足斷足爪也○釋文云管人如

字掌管籥之人又古亂反掌館舍之人也○愚按不說
竊爲升階防失墜也內則云浴燂湯亦熱水耳如此記
似用新汲水矣非也疑授御者之
上下有脫文以下節推之可見

管人汲授御者御者差沐于堂上君沐梁大夫沐稷士
沐梁甸人爲瑩于西牆下陶人出重鬲管人受沐乃奠
之甸人取所徹廟之西北牀薪用爨之管人授御者沐
乃沐沐用瓦盤拒用巾如它日小臣爪手翦須濡濯弃

于坎差漸也漸飯米取其潘以爲沐也浴沃用梓沐於
之士也盤中文相變也士喪禮沐稻此云士沐梁蓋天子
上之天子沐黍與

君之喪子大夫公子眾士皆三日不食子大夫公子食

粥納財朝一溢米莫一溢米食之無算士疏食水飲食

之無算夫人世婦諸妻皆疏食水飲食之無算納財謂

二十兩曰溢於粟米之法一溢爲米一升二十四分升

之一諸妻御妾也同言無算則是皆一溢米或粥或飯

○愚按溢與鎰通趙岐孟子注亦云鎰二十兩也國語

二十四兩爲鎰○方氏苞曰古喪禮惟此難行博野顏
習齋勉爲之苦病幾死蓋二十四分升之一
以爲粥不能盈杯安能持至三月五月乎
大夫之喪主人室老子姓皆食粥眾士疏食水飲食妻妾

疏食水飲

室老其貴臣也士亦如之

士亦如之

如其子食粥妻妾疏食水飲

既葬主人疏食水飲不食菜果婦人亦如之君大夫士

一也練而食菜果祥而食肉

果瓜桃之屬○方氏苞曰婦人初喪疏食水飲疑既

葬復有變故更立此文

食粥於盛不盥食於簋者盥食菜以醯醬

始食肉者先食乾肉始飲酒者先飲醴酒

盛謂今時杯杆也簋竹筥

也歆者不盥手飯者盥簋或作簠

期之喪三不食食疏食水飲不食菜果三月既葬食肉

飲酒期終喪不食肉不飲酒父在為母為妻九月之喪

食飲猶期之喪也食肉飲酒不與人樂之

食肉飲酒亦謂既葬○愚

按三月既葬食肉飲酒謂旁期大功以下

五月三月之喪壹不食再不食可也比葬食肉飲酒不

與人樂之叔母世母故主宗子食肉飲酒義服恩輕也故主謂舊君

也言故主者關不能食粥羹之以菜可也謂性不能者

有疾食肉飲酒可也為其氣微五十不成喪成猶備也所不

不散送七十唯衰麻在身言其餘居處飲食與吉時同也

既葬若君食之則食之大夫父之友食之則食之矣不

辟梁肉若有酒醴則辭尊者之前可以食美也變於顏

妻之喪發諸顏色者亦不飲食哀情本輕也父母之喪

豈為變於顏色而畏人見乎蓋酒醴或至忘哀非梁肉

之比故以
白閑耳

小斂於戶內大斂於阼君以簞席大夫以蒲席士以葦

席簞細葦席也三者下皆有莞○愚按
簞竹席也葦蕭席也注欲一之恐非

小斂布絞縮者一橫者三君錦衾大夫縞衾士緇衾皆

一衣十有九稱君陳衣于序東大夫士陳衣于房中皆

西領北上絞紵不在列絞既斂所用束堅之者縮從也
衣十有九稱法天地之終數也

上喪禮小斂陳衣於房中南領西上與大夫異今此同
亦蓋天子之士也絞紵不在列以其不成稱不連數也

疏云房中者東房也大夫士唯有東房故也

大斂布絞縮者三橫者五布紵二衾君大夫士一也君

陳衣于庭百稱北領西上大夫陳衣于序東五十稱西

領南上士陳衣于序東三十稱西領南上絞紵如朝服

絞一幅爲三不辟紵五幅無紵二矣者或覆之或薦之

服十五升小斂之絞也廣終幅析其末以爲堅之精麤朝

之大斂之絞側若今被識矣生時禪被有識死去之異

之綴也士喪禮大斂亦陳衣於房中南領西上與大夫

於生也此又同亦蓋天子之統或爲點○方氏苞曰君

棺在輓應南面故陳衣北領大夫士殯於西序故陳衣

西領西上南上皆上左也小斂皆西領北上者遷尸於

牖南首君大夫士所同也絞一幅爲三不辟者總言大

小斂絞皆以布一幅析其末爲三片而中不擘裂也蓋

不分析其末則布全幅不可結而所東衣衾不得平貼前

既分舉二斂絞數故

復總言其制注非也

小斂之衣祭服不倒

尊祭服也斂者要方散衣有君無

禭大夫士畢主人之祭服親戚之衣受之不以即陳

無

者不陳不以斂○愚按君無禭注讀三字句也熊氏則以君無禭大夫士六字爲句士喪禮君禭不倒賈疏引

此文亦六字爲句今按從注是小斂君大夫士皆用複衣複衾大斂君

大夫士祭服無算君褶衣褶衾大夫士猶小斂也

也褶袷

衣尚多去其著也

袍必有表不禪衣必有裳謂之一稱

袍褻衣必有以表之乃成稱也雜記

曰子羔之襲繭衣裳與稅衣纁衽爲一是也論語曰當暑袷絺綌必表而出之亦爲其褻也

凡陳衣者實之篋取衣者亦以篋升降者自西階

取猶受也

○方氏也曰凡陳衣不詘非列采不入絺綌紵不入屈

謂舒而不卷也列采謂正服之色也絺綌紵者當暑之袷衣也襲尸重形冬夏用袍及斂則用正服

凡斂者袒遷尸者襲袒者於便也君之喪大胥是斂眾胥佐

之大夫之喪大胥侍之眾胥是斂士之喪胥為侍士是

斂胥樂官也不掌喪事胥當為祝字之誤也侍猶臨也

商祝主斂按臨川吳氏謂大祝下大夫喪祝上士非

能親執斂役者故各以其下之胥服勞方氏苞駁之謂

不親執斂役忍使賤胥及君體其義甚悖此說是也但破

胥為祝終似未安且大祝贊斂小宗伯率異姓而佐不

掌喪事者亦猶遷尸射人舉焉君喪狄人出壺其義同

小斂大斂祭服不倒皆左衽結絞不紐左衽衽鄉左反生時也

斂者既斂必哭士與其執事則斂斂焉則為之壹不食

凡斂者六人斂者必使所與執事者不欲妄人褻之執或為餽

君錦冒黼殺綴旁七大夫玄冒黼殺綴旁五士緇冒黼

殺綴旁三凡冒質長與手齊殺三尺自小斂以往用夷

衾夷衾質殺之裁猶冒也冒者既襲所以韜尸重形也殺冒之下韜韜足上行者也

小斂又覆以夷衾裁猶制也字或為材○疏云自小斂後衣多不可用冒故用夷衾覆之也

君將大斂子弁經即位于序端卿大夫即位于堂廉楹

西北面東上父兄堂下北面夫人命婦尸西東面外宗

房中南面小臣鋪席商祝鋪絞紵衾衣士盥于盤上士
舉遷尸于斂上卒斂宰告子馮之踊夫人東面亦如之
子弁經者未成服弁如爵弁而素大夫之喪子亦弁經
○方氏苞曰疏以宰告爲告斂畢非也蓋告以當踊之
節耳於夫人覆舉東面以見子之西面而
踊也獨舉夫人明世婦視斂而不敢馮也

大夫之喪將大斂既鋪絞紵衾衣君至主人迎先入門
右巫止于門外君釋菜祝先入升堂君卽位于序端卿
大夫卽位于堂廉楹西北面東上主人房外南面主婦
尸西東面遷尸卒斂宰告主人降北面于堂下君撫之
主人拜稽顙君降升主人馮之命主婦馮之先入右者
入門而右

也。巫止者，君行必與巫巫主辟凶邪也。釋菜，禮門神也。必禮門神者，禮君非問疾弔喪不入諸臣之家也。主人房外南面，大夫之子尊得升視斂也。

士之喪，將大斂，君不在其餘禮猶大夫也。其餘謂卿大夫及主婦之位。

鋪絞紼踊鋪衾踊鋪衣踊遷尸踊斂衣踊斂衾踊斂絞

紼踊目孝子踊節

君撫大夫撫內命婦大夫撫室老撫姪娣撫以手按之也。內命婦君

婦之世君大夫馮父母妻長子不馮庶子士馮父母妻長

子庶子庶子有子則父母不馮其尸凡馮尸者父母先

妻子後

日於其親所焉也焉謂扶持服膺

君於臣撫之父母於子執之

子於父母焉之婦於舅姑奉之舅姑於婦撫之妻於夫

拘之夫於妻於昆弟執之

此恩之深淺尊卑之儀也焉之類必當心○愚按君於臣

撫之臣於君未知當何如疑亦焉之如子於父母也似脫此一句

焉尸不當君所與尊

者所焉同處

凡焉尸興必踊

悲哀之至焉尸必坐

父母之喪居倚廬不塗寢苦枕因非喪事不言君爲廬

宮之大夫士禭之

宮謂圍障之也禭袒也謂不障

既葬挂楣塗廬不於顯者君大夫士皆宮之

不於顯者不塗見面

凡非適子者自未葬以於隱者爲廬

不欲人屬目蓋廬於東南角既葬猶

然

既葬與人立君言王事不言國事大夫士言公事不言

家事

此常禮也

君既葬王政入於國既卒哭而服王事大夫

士既葬公政入於家既卒哭弁絰帶金革之事無辟也

此權禮也弁絰帶者變喪服而弔服輕可以卽事也○方氏苞曰王政入於國公政入於家皆謂金革之事也○舍此則王政公政皆有常經無所謂入於國入於家也

既練居堊室不與人居君謀國政大夫士謀家事既祥

黝堊祥而外無哭者禫而內無哭者樂作矣故也

黝堊室

之飾也地謂之黝牆謂之堊外無哭者於門外不哭也內無哭者入門不哭也禫踰月而可作樂樂作無哭者

勦聖或為要期
禪或皆作道

禪而從御吉祭而復寢

從御御婦人也復寢不復宿殯宮也○顧炎武曰二句互言之

也鄭注已明而孔氏乃以吉祭為四時之祭非也禪即

吉祭也○方氏苞曰禪後使婦人從而御事吉祭後始

復內寢也孟獻子禪比御而不入即此義蓋使比次侍

御而不入居內寢也○愚按顧說禪即吉祭似未安方

說當是但引孟獻子事獻子比御不入孔子稱其加人

一等則似禪而御者禮之常獻子獨為高世之行耳如

此則方說亦復難期居廬終喪不御於內者父在為母

通未知當從誰氏期居廬終喪不御於內者父在為母

為妻齊衰期者大功布衰九月者皆三月不御於內婦

人不居廬不寢苦喪父母既練而歸期九月者既葬而

歸歸謂歸夫家也○方氏苞曰若違反夫家

則壻衰妻之親屬不能久而不怠故也

公之喪大夫俟練士卒哭而歸

此公公士大夫有地者也其大夫士歸者謂素

在君所食都邑之臣○愚按公謂內諸侯也大夫士其屬也

大夫士父母之喪既練而歸朔月忌日則歸哭于宗室

諸父兄弟之喪既卒哭而歸

歸謂歸其宮也忌日死日也宗室宗子之家謂殯宮

也禮命士以上父子異宮○愚按既稱宗室則此大夫士謂庶子明矣然父母之喪貴賤一也況可以嫡庶別

乎既歸於家則不居室於汝安乎此懸禮也

父不次於子兄不次於弟

謂不就其殯宮爲次而居○方氏苞曰以尊者而次於其

宮則其婦其子當勤於供養而不得致其哀故但居己之外寢以畢不御內之期

君於大夫世婦大斂焉爲之賜則小斂焉

爲之賜謂於有恩惠也

外命婦既加蓋而君至於臣之妻略也於士既殯而往爲之賜

大斂焉夫人於世婦大斂焉爲之賜小斂焉於諸妻爲

之賜大斂焉於大夫外命婦既殯而往大夫士既殯而

君往焉使人戒之主人具殷奠之禮俟于門外見馬首

先入門右巫止于門外祝代之先君釋菜于門內祝先

升自阼階負墉南面君卽位于阼小臣二人執戈立于

前二人立于後殷猶大也朝夕小奠至月朔則大奠君將來則具大奠之禮以待之榮君之來

也祝負墉南面直君北房戶東也小臣執戈先後君君

升而夾階立大夫殯卽成服成服則君亦成服錫衰而

往弔之○方氏苞曰巫以桃茢驅鬼故止擯者進當贊

於門外以示在路被除而非爲死者設也擯者進主人

豐記遂喪大記

也始立門

主人拜稽顙君稱言視祝而踊主人踊

稱言舉所

東北面以來之辭也視祝而踊

大夫則奠可也士則出俟于門

外命之反奠乃反奠卒奠主人先俟于門外君退主人

送于門外拜稽顙

迎不拜拜送者拜迎則爲君之答已

拜者嫌君之臨已也故必俟君見殯而後拜

君於大夫疾三問之在殯三往焉士疾一問之在殯一

往焉

所以致君弔則復殯服復反也反其未殯未成服

殯後君乃始來弔也復或爲服

夫人弔於大夫士主人出迎于門外見馬首先入門右

夫人入升堂卽位主婦降自西階拜稽顙于下夫人視世子而踊奠如君至之禮夫人退主婦送于門內拜稽顙主人送于大門之外不拜視世子而踊世子從夫人夫人位如祝從君也○疏云主婦送於門內門寢門也婦人迎送不出門○按方氏苞謂大夫士之喪夫人豈能一一往弔蓋必君之同姓或異姓親屬也

大夫君不迎于門外入卽位于堂下主人北面眾主人

南面婦人卽位于房中若有君命命夫命婦之命四鄰

賓客其君後主人而拜

入卽位於下不升堂而立阼階之下西面下正君也眾主人南

面於其北婦人卽位於房中君雖不升堂猶辟之也後主人而拜者將拜賓使主人陪其後而君前拜不俱拜

者主人無二也。○方氏苞曰：疏謂前記君臨大斂，主婦尸西東，面以哀深，故不辟君。此既殯，哀殺，故辟非也。大斂與殯同時，哀心豈得遽殺以附於身者？必誠必信，正在斂時。主婦不容不視，今已在殯，則婦人無為列位於堂上耳。○愚按：此家臣也。而有君命與四鄰賓客方氏苞以為衰周隱禮是也。

君弔見尸柩而后踊

塗之後雖往不踊也踊或為哭或為浴

大夫士若君不戒而往不具殷奠君退必奠

榮君之來

君大棺八寸屬六寸槨四寸上大夫大棺八寸屬六寸

下大夫大棺六寸屬四寸士棺六寸

大棺棺之在表者也檀弓曰天子之

棺四重水兕革棺被之其厚三寸也棺一梓棺二四者皆周此以內說而出也然則大棺及屬用梓槨用槨以是差之上公革棺不被三重也諸侯無革棺再重也大夫無槨一重也士無屬不重也庶人之棺四寸上大夫

謂列國之卿也趙簡子云不設屬碑時儕也

君裏棺用朱綠用雜金鐫大夫裏棺用玄綠用牛骨鐫

士不綠○銘所以琢著裏

君蓋用漆三衽三束大夫蓋用漆二衽二束士蓋不用

漆二衽二束用漆者塗合牝牡之中也衽小要也

君大夫髹爪實於綠中士埋之綠當爲角聲之誤也角

髮也將實爪髮棺中必爲小囊盛之此綠或爲簍○愚按綠當如字君大夫裏棺用綠貼四角故謂四角爲綠也

君殯用輶櫨至于上畢塗屋大夫殯以幬櫨至于西序

塗不暨于棺士殯見衽塗上帷之如櫬猶敢也屋殯上覆

及也此記參差以檀弓參之天子之殯居棺以龍輅龍輅不畫

木題湊象椁上四注如屋以覆之盡塗之諸侯輅輅不畫

龍輅不題湊象椁其他亦如之大夫之殯廢輅置棺西

牆下就牆櫬其三面塗之不及棺者言櫬中狹小裁取

容棺然則天子諸侯差寬大矣士不櫬掘地下棺見小

要耳帷之鬼神尚幽闇也士達於天子皆然幃或作錡

或作塋○方氏苞曰不暨於棺乃對君畢塗士塗上而

言暨猶既也大夫塗三面貼序壁西面不塗則所塗不

遍於棺自君至士皆橫外加塗塗外復有帷帳以蔽之

君四注其形如屋故名屋大夫三面名幃士覆棺而下

被於衽故名帷畢塗屋者盡塗之而外加帷也注謂

櫬木形似屋誤矣士大夫櫬外有帷帳不應君反無

熬君四種八簠大夫三種六簠士二種四簠加魚腊焉

熬者煎穀也將塗設於棺旁所以惑蚍蜉使不至棺也

士喪禮曰熬黍稷各二簠又曰設熬旁各一簠大夫三

種加以梁君四種加以稻四筐則手足皆一其餘設於左右○方氏苞曰棺旁用熬穀魚腊豈穿墳時以引蟻蟲迹其窟穴而掘去之而非下棺後所用與○愚按方氏苞說與注竝可疑以爲惑蚍蜉恐適以召之也以爲引蟻蟲未下棺時所用而又何足爲典禮也古禮此類殊不可曉

飾棺君龍帷三池振容黼荒火三列黻三列素錦褚加僞荒纁紐六齊五采五貝黼髮二黻髮二畫髮二皆戴圭魚躍拂池君纁戴六纁披六大夫畫帷二池不振容畫荒火三列黻三列素錦褚纁紐二玄紐二齊三采三貝黻髮二畫髮二皆戴綏魚躍拂池大夫戴前纁後玄披亦如之士布帷布荒一池揄絞纁紐二緇紐二齊三

采一貝畫髮二皆戴綏士戴前纁後緇二披用纁者飾棺
華道路及壙中不欲眾惡其親也荒蒙也在旁曰帷在
上曰荒皆所以衣柳也士布帷布荒者白布也君大夫
加文章焉黼荒緣邊為黼文畫荒緣邊為雲氣火敝為
列於其中耳偽當為帷或作于聲之誤也大夫以上有
褚以襯覆棺乃加帷荒於其上紐所以結連帷荒者也
池以竹為之如小車斧衣以青布柳象宮室縣池於荒
之爪端若承雷然云君大夫以銅為魚縣於池下揄揄
翟也青質五色畫之於絞繪而垂之以為振容象水草
之動搖行則又魚上拂池雜記曰大夫不揄絞屬於池
下是不振容也士則去魚齊象車蓋黼縫合雜采為之
形如瓜分然綴貝落其上及旁戴之言值也所以連繫
棺束與柳材使相值因而結前後披也漢禮髮以木為
筐廣三尺高二尺四寸方兩角高衣以白布畫者畫雲
氣其餘各如其象柄長五尺車行使人持之而從既窆
樹於壙中檀弓曰周人牆置髮是也綏當為綏讀如冠
裘之黼蓋五采羽注於髮首也○愚按褚屋也雜記曰

素錦以為屋是也偽讀如字假也既有黼荒矣又加之
偽荒若彼正而此假也注以木為筐即匡字皆戴圭所
謂望斐是也士有揄綬明大夫
亦得有矣但不屬於池下耳

君葬用輜四綽二碑御棺用羽葆大夫葬用輜二綽二

碑御棺用茅士葬用國車二綽無碑比出宮御棺用功

布大夫廢輜此言輜非也輜皆當為載以輅車之輅聲

卑之差也在棺曰綽行道曰引至墳將窆又曰綽而設

碑是以連言之碑桓楹也御棺居前為節度也士言比

出宮用功布則出宮而止至墳無矣綽或為率○釋文

云輜王肅並讀如字音勅倫反又國車王讀如字云一

國所用也○愚按檀弓言諸侯輜而設幃為榆沈故設

輜則葬用輜明矣又言三臣廢輜而設幃為竊禮不中
似但譏其設撥未必譏其用輜注謂大夫廢輜恐亦未
然也士無命車故資於公家耳○齊召南曰注尊卑之

差也似言載柩俱用輅車無尊卑之差也脫一無字

凡封用綽去碑負引君封以衡大夫士以咸君命毋譁

以鼓封大夫命毋哭士哭者相止也封也周禮作窆窆下

斂檀弓曰公輸若方小斂般請以機封謂此斂也然則

棺之入坎為斂與斂尸相似記時同之耳咸讀為絨凡

柩車及壙說載除飾而屬紼於柩之絨又樹碑於壙之

前後以紼繞碑間之鹿盧輓棺而下之此時棺下窆使

輓者皆繫紼而繞要負引舒縱之備失脫也用紼去碑

者謂縱下之時也衡平也人君之喪又以木橫貫絨耳

居旁持而平之又擊鼓為縱舍之節大夫士旁牽絨而

已庶人縣窆不引紼也禮唯天子葬有隧今齊人謂棺

束為絨繩咸或為械

君松槨大夫柏槨士雜木槨槨謂周棺者也天子柏槨

以端長六尺夫子制於中

都使庶人之梓五寸五寸謂端方也此謂尊者用大材卑者小材耳自天子諸侯卿大夫士庶人六等其梓長自六尺而下其方自五寸而上未聞其差所定也抗木之厚蓋與梓方齊天子五重上公四重諸侯三重大夫再重士一重○盧植云以松黃腸為梓庾蔚之云黃腸松心也疏云大夫柏梓者不用黃腸下天子也愚按春秋傳云魏獻子卒於甯范獻子去其柏梓是也

棺梓之閒君容柩大夫容壺士容甒閒可以藏物因以為節

君裏梓虞筐大夫不裏梓士不虞筐裏梓之物虞筐之文未聞也